

歷代 日記叢鈔

學苑出版社

歷代日記叢鈔

紀元

第六九冊

十有一月朔巡守此虞制也先王以至日閉闕后
不省方此周制也

乙亥十
二月

鹿溪之病所謂角影誤于蛇痕蛾動驚于牛鬥此
心氣虛弱之故予辛未冬患此壬申春以抄志林
一冊未半而愈志林故是佳

○東漢世祖云久在兵間每發一兵頭為之白僕戲
轉下一語曰京官處窮日久每過一節頭為之白
曾文正公籌合安慶長圍未幾而病與人書曰古
人云憂能傷人使我心膽俱碎僕戲易一語云貧

士仰府主之喜怒亦令人心膽俱碎

○必讀書而後能抄書必抄書而後能校書必校書而後能譯書能信書必能信書而後能著書庸言庸行小節細故人倫庶物觸處皆書理也

○我之海口為彼所有彼之海口非我所有彼之商民蠶食虎視我之商民蛇行蟻息此知彼知己之說也不籌一糧不費一兵不固吾圉不寶吾藏不先為百戰不敗隱然有日對彊敵之勢不正典屬之名而枵然以二品欽使臨之是棄我使臣也而

為使臣者亦可謂不度主客之利害而窮大失居
矣

言天下之至賾而不可惡也以是知晉宋人清言
送日公理廢務不可為訓

今日偶值一拂意事黑風吹船遂經羅刹孟子曰
人之易其言也無責耳矣既自哂局度之褊還自
戒啟口之羞也

丙子年正月

先大人嘗命小子曰處于季世惟勤而有禮可免
丙子年

二

于難此袁曜卿蔡興宗所以騎虎握蛇安步自若
獲自全于亂國也小子勉之追述庭誥懼然自
失泣然而思小子不克負荷之辜大矣

○容生朱居居日下五年不事朝貴閤然亡華終日
丹黃書史人無知者亦亡毀譽及之可敬也嘗從
容語予曰某欲勘編九經三史以及廿二史諸志
皇朝掌錄藉括名物制度之要以通興亡成敗之原
夫豈欲見用於世耶亦聊以自娛而已此言切
中賤子病根引以自警以為它山之助

附錄之上

山樵者云處今之世揆今
而以申韓之法行程未之
以蘇張之辨快董鎬之理
于左之術成曾史之志以
別之趣適韓歐之筆

初八出國西彰義門

即廣寧門也

廿五里秣順天西路

同知治所有城郭渡盧溝橋五里至新店驛二十

五里過良鄉縣二十五里至寶店宿

初九四更昏黑開車十五里過流勑河河有圯圯

旁錢篙戈長徑二丈許相傳梁臣王彥章所遺也

不勝歎息三十五里秣涿州有城郭太史公言北

過涿鹿此也廿五里至松林尖五十五里過定興

縣有城郭又過田光先生邨裴裴久之十里渡易

水諸河冰皆合惟易水流漸如故至北河邨宿

三

初十四更開車六十里至安肅縣有城郭鞠五十里秣邇河至保定行省入城游蓮花池故行宮也咸豐末軍餉不繼有勅將各省行宮觀臺折直變售以充輓輸故已屢易園主輾轉仍復歸官今設畿輔通志局苑中有池島亭榭花木之勝諸業盡廢多言而躁自念何以潛慰先子庭誥之心以畬師友直諒之貺枉送日力負疚已甚定林徧游苑中諸勝始知所屬齋為煨芋室撰一聯云長原教領取子美未全貧靜坐這時不勝太息也

時保定因黃子
壽先生總纂局
幾輔志局聘先
君為分纂也

正月十九議定交際之儀

魯論日出則事公

卿謹案事李相之儀當仿閤中見樞揆故事公牘

殺一等

曲禮曰年長以倍則父事之

此指有德位者而言

謹案事總纂當如事世父伯父之義餘如士相見

儀

覽曾文正公經史百家簡編卒業凡門三日著述

曰告語曰記載著述之子目三日論著如洪範中

庸樂記孟荀之類曰言賦如楚畧荀宋班賦及七

發典引雜頌贊箴銘之類曰序跋如馬班自叙及

四

皇父士安為人作叙之類 告語之子目四曰詔

令上告如書之誓詰及後世詔令曰奏議下者如

書之咎繇謨及左傳季文子魏絳等諫君之辭曰

書牘同輩如書之君奭及左傳鄭子家叔向之辭

曰哀祭鬼神者如金縢冊祝之辭及楚詞大招

記載之子目四曰傳誌所以如史公之世家列傳

公言也表志碑碣行狀年譜則私言也曰叙記所以

事大如書之顧命左傳之記大戰會盟及涑水通

鑑記魏孝文居喪之類後世文人如大唐中興

頌平准西碑近之矣然不多見曰典志政所以記如
周禮儀禮記之王制月令明堂位周書王會解孟
子之北宮錡章皆是史公八書班氏十志以及蘇
代史志會要三通 皇朝典禮皆宜究心者也後
世文人如曾氏趙公棣菑記近之然不多見曰雜
記所以記如小戴記之投壺深衣內則少儀周官
攷工記是已後世古文家修造宮室有記游覽山
水有記以及記器物記環事皆是

此目畧仿姚氏姚氏選文凡七百餘首是選

五

（卷之十）

正月中邱鈔御
史吳鎮上慎擇
宦寺疏

蓋即大事記

僅四十八首定林山人最錄畧有刪潤

玉初述陸文安公之言曰雖目不識一字仍還我
堂堂做一箇人此言却有理 黃文云湯海秋自
言凡人胷中有幾訂書一百本膽氣便壯 此等

見識憍西已甚然亦有理

高阪土室

——辛酉五月至九月

先公挈家居之

曾文正公事畧四卷內有關於 先公庚辛從戎

襄幕事者節錄備查

咸豐十年十月左口口軍次景德鎮大破賊于貴

指先祖在幕中
勸左公援浙事

語詳行狀中

小注

溪連克德興婺源二縣 十一年正月賊犯景德
鎮左口口鮑超迎擊于洋塘大破之 三月左口
口大破賊于樂平三戰皆捷斬馘數萬 四月督
師曾公奏稱三品京堂左口口迭破巨寇勲績甚
偉請 御賜珍物以示旌異 又請將左口口改
為幫辦軍務俾事權漸屬儲為大用 旨從之

左宗棠追擊賊于廣信府賊竄入浙江境

同治三年十月曾侯建議汰楚軍以滌除暮氣用

淮軍以培養朝氣

小注
今淮軍亦非
朝氣矣

老勅養氣不成繁患憊病入躁病已之疾此疾之
害甚于疝瘕未有以盡剗其根也夜初分復發走
就玉初談欲借其鍼石之言以鎮壓之

此後須加上一倍做工夫

吾州邑人士每以字相呼同輩則曰老口丈人行
則曰老口先生魁儒鄉望則以其別號稱之而不
敢相字北譙人同輩相字則連姓截稱其上一字
如左太冲則僅曰左太郭景純則僅曰郭景也予
從鄉俗自呼曰老勅老媛

定林山人實修見在七事○○○

蓄精神身過悶心目過脊言語過謹飲食過節者
欲過獨喜怒過意彈蹇劣過○安蹇劣出韋左司集
勝字○彈蹇劣出朱子詩彈

凡戒身病二口病二意病四戒斯能定定斯
證慧每一日內有三百五十刹那不可忽也
先公養心明目五戒○

蓄精神身省思慮心節者欲心脊言語口謹飲食
作袁氏妹孝友之碑系之以銘擬刻石合江亭下

七

紫溪環其北漸江亘其南山谷或夷徽音無極。

——碑舍刻邑父老長者姓名買地一區志立碑

——年月碑方跌圓首如律禮

立一新例不作無益思慮不說無益言語不攻無

益事業

凡經史書章小學不若小楷時文之為利大

不費無益錢鈔

園林帖

園林之樂雖有層嵐疊嶂方池曲島蒼官青士右
左森列繁花如錦延賞不給而連級促步意思拮
迫易盡至夫名山大川之樂紆迴迤邐將連復斷

入谷蒼晦升高開朗曲折變化不可名狀十里一
遇水石溪橋村店籬落五里一遇奇松風洞六月
嚴寒襲人雖美景不並得而神意幽深閑遠玩之
不竭取之無窮此何以故一刻畫瑣瑣而傷天和
一混成自然而全真宰也學人文人皆當參破此
關正月二十八日拙訥居士書于困學之廬
飯訖登山復與勞方王三君子登藻泳樓覽全燕
地勢漠漠風沙而已

正月廿九日居士說偈

八